



I. ATALA BIZKAIKO LURRALDE HISTORIKOKO FORU ADMINISTRAZIOA Bizkaiko Foru Aldundia

Ingurune Naturala eta Nekazaritza Sustatzeko Saila

Bizkaiko Foru Aldundiaren 18/2025 FORU DEKRETUA, martxoaren 13koa. Honen bidez, Nekazaritza Zuzendaritza Nagusiaren Nekazaritza eta Abeltzaintza zerbitzuetan prestakuntza praktikoa egiteko beka emateko 2025/2026ko deialdia eta oinarri arautzaileak onesten dira.

Onuradunak	Euskadiko Autonomia Erkidegoan erroldatuta dauden pertsona fisikoak.
Eremua	Prestakuntza praktikoko beka arlo hauetan: – Mahastizaintza eta enologia. – Landare-osasuna. – Analisi serologikoak abere-osasuneko laborategian.
Eskuratu ahal den dirulaguntza gehienez	Beka bakoitzeko 900 euro hilean izango da.
Emakida araubidea	Norgehiagokakoa.
Eskaeren epea	Hamar egun baliodun.
Harremanak	Nekazaritza Zerbitzua eta Abeltzaintza Zerbitzua: Lehendakari Agirre, 9, 4. solairua, 48014-Bilbao.

Nekazaritzaren Hobekuntza eta Landare Babesa Bultzatzeko Atala, Derioko Landare Babeserako Zentroaren, Zallako Frutagintza Estazioaren eta estazio horretako Upeltegi Esperimentalaren bidez, izurrite eta gaixotasunen identifikazio eta diagnostikoa egiteaz, landare-osasuna kudeatzeaz eta Bizkaiko mahastizaintza, txakolin eta sagardo naturalaren esperientziaz eta garapen teknologikoaz arduratzen den administrazio-unitatea da.

Ingurune Naturala eta Nekazaritza Sustatzeko Sailaren egitura organikoa arautzen duen maitzaren 31eko 79/2022 Foru Dekretuaren 32. artikulua ezartzen du Nekazaritza Zuzendaritza Nagusiari dagokiola landa-egiturak eta landa-azpiegiturak bultzatzea eta landa arloko sustapena eta zabalkundea egitea.

Kontuan hartu behar da sustapen-eginkizun hori, eta gero eta beharrezkoagoa dela hobekuntzak egitea tekniken eta ezagutzen kalitatean, berrikuntzan eta aplikazioan, gero eta eraginkorragoak izateko kalitateko elikagaiak lortu eta landare-osasuna kudeatzeko uanean. Horrela, gai horiei buruzko prestakuntzak eta hobekuntzak gazte profesionalen laneratzea hobetzen laguntzen dute.

Horregatik guztiagatik, interesgarria da 2025an eta 2026ean mota horretako jarduerak eta programak garatu nahi dituzten bekadunek landare-babes eta animalien osasuneko zentroetan parte hartzea.

Bekadunek izurriteak eta gaixotasunak aztertzeke eta diagnostikatzeko, bai eta Elisa eta beste teknika batzuei lotutakoak ere, prestakuntza eta hobekuntza tekniko-profesionala lortuko lukete. Era berean, ardogintzako ekoizpen-teknika errespetuzkoenei, landare-produkzioari eta enologiari buruzko prestakuntza eskuratuko lukete Zentroetan garatzen diren lan-programetan parte hartuz.

Sailaren abere-osasuneko laborategi nagusia Derion dago, eta serologia du funtsezko arloa, hau da, abereen osasun-kanpainen odol analisiak eta patologia (Neospora, IBR, AgBVDV, Paratuberculosis eta Gamma Interferona) aztertzea.

Arlo horretan eskumena duen Bizkaiko abere-osasuneko laborategi ofiziala denez, garrantzitsua da era horretako jarduerak eta programak garatu nahi dituen bekadunak 2025 eta 2026 urteetan zentro horretan parte hartzea. Bekadunak analisi teknikei buruzko prestakuntza jasoko du, esaterako, bengala arrosa, Elisa, konplementuaren finkapena eta gamma interferona. Horrez gainera, laborategiko roboten funtzionamendua,



aplikazio informatikoak eta automatizazioa ezagutuko ditu. Azkenik, serologiaren eta kalitatearen arloetako prestakuntza jaso ahal izango du, inguruko beste laborategi batzuetan.

Horregatik guztiagatik, Zallako Frutagintza Estazioan mahatzaintza eta enologiaren arloko beka bat eta beka bat Derioko Landareen Babeserako Zentroan, 2025eko maiatzaren 2tik 2026ko apirilaren 30era, izapidetzea proposatzen da. Halaber, Abeltzaintza Zerbitzuaren menpe dagoen Derioko Abereen Osasuneko Laborategian prestakuntza, esperimentazio eta analisirako beka bat emango da, 2025eko irailaren 1etik 2026ko abuztuaren 31ra, Abeltzaintza Zerbitzuko eta Nekazaritza Zerbitzuko buruzagitzen proposamenarekin bat etorritz.

Dekretu honek genero-ikuspegia txertatzen du, bai hura lantzean, bai aplikatzean, martxoaren 16ko 1/2023 Legegintzako Dekretuak, Emakumeen eta Gizonen berdintasunerako Legearen testu bategina onartzen duenak, adierazten duen bezala. Gainera, kontuan hartu da 112/2024 Foru Dekretua, azaroaren 14koa, Bizkaiko Foru Aldundian aurreikusitako generoaren arabera eraginaren alde aurreko ebaluazioa arautzen duenak, eta generoaren arabera eraginaren aurretiazko ebaluazioa egiteko jarraibideak ezartzen dituenak, xedatutakoa. Ildo horretan, haren tramitazioan «Generoaren arabera eraginaren aurretiazko ebaluazioaren txostena» gehitu da.

Europar Batasunaren Funtzionamenduari buruzko Tratatuak (EBFT) 107.1 artikuluan ezartzen du barne-merkatuarekiko bateraezintasuna, estatu kideen arteko merkataritza-trukeetan, estatuak emandako laguntzetan edo estatuko funtsen bidez, edozein modutan, lehia faltsutzen edo faltsutzeko mehatxua egiten duten heinean, enpresa edo ekoizpen jakin batzuei mesede eginez. Horrela, estatu-laguntzaren kontzeptua sortzen da.

Aztergai dugun xedapena deskribatutako ikuspegiaren arabera aztertu ondoren, ondorioztatzen da Foru Dekretu honetan araututako laguntzak ez datozela bat EBFTren 107.1 artikulua egindako deskribapenarekin, laguntza horien hartzailak ez baitira sarzen enpresaren kontzeptuan.

Foru dekretu honek bete egiten ditu erregulazio onaren printzipioak; printzipio horiek Administrazio Publikoen Administrazio Prozedura Erkidearen 2015eko urriaren 1eko 39/2015 Legean aurrez ikusten dira eta Bizkaiko Foru Aldundiaren 2021eko ekainaren 15eko 87/2021 Foru Dekretuaren 3. artikuluan jasotzen dira (dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Era berean, foru dekretu hau egitean, Bizkaiko Foru Aldundiaren 87/2021 Foru Dekretuan ezarritako izapideak bete dira: generoaren arabera eraginaren aurretiko ebaluazioari buruzko txostena, kontrol ekonomikoa eta dagozkion txosten juridikoak eta legezotasunari buruzko txostenak eman dira.

Foru Dekretu hau egiteko, kontuan hartu da Bizkaiko Foru Aldundiaren jardun-eremuan hizkuntza ofizialak erabiltzeko irizpideak ezartzen dituen maiatzaren 28ko 63/2019 Foru Dekretuan xedatutakoa.

Bizkaiko Lurralde Historikoko Foru Erakundeen Hautapen, Antolaketa, Araubide eta Funtzionamenduari buruzko otsailaren 13ko 3/1987 Foru Arauaren 17. 1. 4 eta 17. 2 artikuluen arabera, xedapen hori onartzeko eskumena Bizkaiko Foru Aldundiko Gobernu Kontseiluari dagokio.

Ondorioz, Ingurune Ingurune Naturala eta Nekazaritza Sustatzeko Saileko foru diputatuaren proposamenez, eta Bizkaiko Foru Aldundiko Gobernu Kontseiluak eztabaidatu ondoren, hauxe

XEDATZEN DUT:

Artikulu Bakarra. — Dirulaguntza batzuen oinarriak eta deialdi publikoa onartzea

Nekazaritza Zuzendaritza Nagusiaren Nekazaritza eta Abeltzaintza zerbitzuetan prestakuntza praktikoa egiteko beka emateko deialdia eta oinarri arautzaileak onesten dira. Ondoren jasotzen da oinarrien eta deialdiaren testua.



AZKEN XEDAPENAK

Lehenengo Azken Xedapena.— *Arauen garapena*

Baimena ematen zaio Ingurune Naturala eta Nekazaritza Sustatzeko foru diputatuari, foru dekretu honetan ezarritakoa garatu, betearazi eta ezartzeko beharrezkotzat jotzen dituen xedapen guztiak eman ditzan. Baimen horren barruan, dagozkion dirulaguntzak ematea ere sartzen da.

Bigarren Azken Xedapena.— *Indarrean jartzea*

Bizkaiko Aldizkari Ofizialean argitaratu eta biharamunean jarriko da indarrean foru dekretu hau.

Bilbon, 2025eko martxoaren 13an.

Ingurune Naturala eta Nekazaritza
Sustatzeko foru diputatua,
ARANTZAZU ATUCHA LEJARRETA

Ahaldun Nagusia,
ELIXABETE ETXANOBE LANDAJUELA



AURKIBIDEA

I. kapitulua. — Xedapen orokorrak.

1. Dirulaguntzaren xedea.
2. Pertsona onuradunak (baldintza orokorrak eta espezifikoak).
3. Elkarreragingarritasuna.
4. Datu pertsonalen babesa.
5. Aplikatu beharreko araudia.

II. kapitulua. — Berariazko xedapenak.

6. Emateko prozedura.
7. Emateko irizpideak.
8. Balorazio batzordea
9. Beka emateko irizpideen balorazioa.
10. Beken iraupena.
11. Zuzkidura ekonomikoa eta ordainketa.
12. Foru Aldundiaren betebeharrak.
13. Onuradunaren betebeharrak.
14. Ez-betetzea eta itzulketa.
15. Bateragarritasuna.

III. kapitulua. — Deialdia.

16. Aurkezteko epea eta lekua.
17. Aurkeztu beharreko agiriak.
18. Eskabidea zuzentzea edo hobetzea.
19. Aurrekontuko diru-izendapena.

**NEKAZARITZA ZUZENDARITZA NAGUSIAREN NEKAZARITZA
ETA ABELTZAINITZA ZERBITZUETAN PRESTAKUNTZA PRAKTIKOA EGITEKO
BEKAK EMATEKO DEIALDIA ETA OINARRI ARAUTZAILEAK****I. KAPITULUA****XEDAPEN OROKORRAK****1. oinarria. – Dirulaguntzaren xedea**

Foru dekretu honen xedea prestakuntza praktikoko beka hauek norgehiagoka-erregimenean emateko oinarriak eta deialdia arautzea da: beka bat Zallako Frutikultura Estazioan, mahastizaintza, enología eta landare-produkzioa arloetan; beka bat Nekazaritza Zerbitzuko Derioko Landareen Babeserako Zentroan; eta beka bat eta Abeltzaintza Zerbitzuko Derioko Abereen Osasunerako Laborategian.

Dirulaguntzen programa honen babesaren pean egiten diren agiri guztiek genero-ikuspegia jaso behar dute, eta ezin dute bereizkeria dakarren osagairik erabili, ez hizkuntzaren erabileran, ez irudietan.

2. oinarria. – Pertsona Onuradunak (baldintza orokorrak eta espezifikoak)

1. Dekretu hau Bizkaiko Aldizkari Ofizialean argitaratzen denean Euskadiko Autonomia Erkidegoan erroldatuta dauden pertsonak izan daitezke foru dekretu honen bidez deitutako beken onuradun, betiere eskabideak aurkezteko epea amaitzen den egunean titulazio hauetako baten jabe badira:

Nekazaritza Zerbitzuko bekarako

- a) Landare-osasuneko beka:
 - 1. Goi-mailako gradua «Diagnosi Klinikoen Laborategian».
 - 2. Goi-mailako gradua «Analisi eta kalitate-kontrolako Laborategian».
 - 3. Erdi-mailako gradua: «Laborategiak».
- b) Mahastizaintza, enologia eta landare-produkzioako beka:
 - 1. Mahastizaintzako eta ardogintzako goi-mailako teknikariaren edo erdi-mailako teknikariaren titulua edo antzeko prestakuntza, besteak beste:
 - Goi-mailako gradua mahastizaintza eta ardogintzan.
 - Erdi-mailako gradua oliba-olioan eta ardoetan.
 - Erdi-mailako gradua Nekazaritza Ekologikoko produkzioan.
 - Erdi-mailako gradua lorezaintza eta loradendetan.
 - Goi-mailako gradua Basoen eta Natura-ingurunearen kudeaketan.
 - Goi-mailako gradua paisajismo eta landa-ingurunean.

Abeltzaintza Zerbitzuko bekarako

- 1. Goi-mailako gradua «Laborategi klinikotan eta biomedikotan».
- 2. Goi-mailako gradua «Analisi eta Kalitate Kontrolako Laborategian».
- 2. Eskatzaileek amaituta izan behar dituzte deialdiari dagozkion ikasketak 2020/2021 ikasturtean edo geroago.
- 3. Eskatzailearen batek foru dekretu honen bidez eskainitako beka bat baino gehiago eskuratzeko gaitzen duten titulazio batzuk badauzka, eskaeran honela aipatu behar ditu beka: lehenengo, beka nagusia, eta, gero, gainerako beka, lehentasun-hurrenkeraren arabera.
- 4. Era honetako beka bat jaso duenak, edo aurreko deialdietan beka horietakoren baten esleipendun izan eta uko egin izanak ezin izango du berriro halakorik eskatu hurrengo 2 urteko epearen barruan, esleipena egin denetik kontuan hartuta.
- 5. Onuradunak emandako bekari uko egiten badio, ezin izango du berriro eskatu hurrengo deialdietan.



6. Langabezia-egoera egiaztatu, edo, hala badagokio, une horretan egiten ari den jarduerari buruzko aitortpena, bai eta, hautatua izanez gero, horri uko egiteko prestasuna ere.

7. Zerga-betebeharrak eta Gizarte Segurantzarekikoak egunean izan behar dituzte, bai eskabidea aurkeztean, bai dirulaguntza eman eta ordaintzen zaienean.

8. Onuradunek ez dute izan behar dirulaguntza edo laguntza publikoak eskuratzea eragozten duen zehapen administratiborik edo penalik, ezta horretarako legeko inolako debekurik ere, sexu-bereizkeriagatiko debekuak barne, Emakumeen eta Gizonen Berdintasunerako Legearen testuategina onartzen duen martxoaren 16ko 1/2023 Legegintzako Dekretuaren 23.2 artikuluan xedatutakoarekin bat etorriz, eskaera-epea amaitu aurretik.

9. Ezin izango dira dirulaguntzen onuradun izan Emakumeen eta Gizonen Berdintasunerako Legearen testuategina onartzen duen martxoaren 16ko 1/2023 Legegintzako Dekretuaren IV. tituluan edo Emakumeen eta Gizonen Berdintasun Eragingarriko martxoaren 22ko 3/2007 Lege Organikoan ezarritako betebeharrak betetzen ez dituzten pertsonak edo erakundeak.

3.oinarria.—Elkarreragingarritasuna

Ingurune Naturala eta nekazaritza Sustatzeko Sailak beharrezkoak diren egiaztapenak eta kontsultak egingo dituzte Administrazioak eskatzaileei buruz dituen datuak direla-eta, datuok beharrezkoak direnean laguntzen izapidetze administratiborako, eskatzaileek berriaz aurka egiten ez badiote; kasu horretan, eskatutako ziurtagiriak eta dokumentuak aurkeztu beharko dituzte. Horretarako, Bizkaiko Elkarreragingarritasun Nodoa eta bestelako elkarreragingarritasun-zerbitzuak erabiliko ditu. Arrazoi teknikoak direla eta, ezinezkoa bada elkarreragingarritasunera jotzea, Sailak izapideak egiteko beharrezkotzat jotzen dituen datuak edo dokumentuak eskatu ahal izango ditu, betiere Administrazio Prozedura Erkidearen 39/2015 Legearen 28.2 artikuluan ezarritakoaren arabera, Datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzko Europako Parlamentuaren eta Kontseiluaren 2016ko apirilaren 27ko 2016/679 Erregelamenduaren 6.e) artikuluari lotuta.

Era berean, Ingurune Naturala eta Nekazaritza Sustatzeko Sailak Foru Dekretu honetan jasotako inguruabarrak egiaztatze beharrezkoak diren jarduketak egin ahal izango ditu Datu Pertsonalak Babesteko 3/2018 lege organikoaren zortzigarren xedapen gehigarrian ezarritakoaren arabera.

4. oinarria.—Datu pertsonalen babesa

Interesdunak emandako datuak foru dekretutik eratorritako prozedurak kudeatzeko erabiliko dira, Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduan aurreikusitakoarekin bat etorriz. Erregelamendu hori datu pertsonalen tratamenduari eta datu horien zirkulazio askeari dagokienez pertsona fisikoen babesari eta datu horien zirkulazio askeari buruzkoa da, eta 95/46/EE Zuzentzaraua (Europako datuen babesari buruzko abenduaren 27ko Erregelamendu orokorra eta Datuen babesari buruzko Lege osoa) indargabetzen du.

Aipatutako datuak ez dira inola ere tratatuko edo hirugarrenei lagako, ukitutako pertsonaren zalantzarik gabeko baimenarekin ez bada, edo lehen aipatutako araudian aurreikusitako kasuetan.

Interesdunak administrazio publikoen esku dauden datu pertsonalak adierazten dituen edozein bitartekoren bidez egiten badira eskaerak, eskaera jasotzen duen organoak, bere eskumenak erabiliz, beharrezko egiaztapenak egin ahal izango ditu datuen zehaztasuna egiaztatzeko.

Araudi horretan xedatutakoa betetz, interesdunak tratamenduaren arduradunaren aurrean egikaritu ahal izango ditu datuak eskuratzeko, zuzentzeko, ezabatzeko («ahazteko eskubidea»), tratamendua mugatzeko, datuak eramateko eskubideak, eta ez zaio tratamendu automatizatuan soilik oinarritutako erabakirik emango, profilak egitea barne, baldin eta tratamenduan ondorio juridikoak baditu edo antzeko eragin nabarmena badu. Era



berean, emandako baimena edozein unetan baliogabetu ahal izango du. Era berean, Datuak Babesteko Kontrol Agintaritzan erreklamazioa aurkezteko eskubidea du, eta informazio hori Bizkaiko Foru Aldundiaren web orri instituzionaleko datuen babesari buruzko atalean zabaldu ahal izango du (<https://web.bizkaia.eus/es/proteccion-de-datos>).

5. oinarria. — Aplikatu beharreko araudia

Dekretu honetan aurreikusitako dirulaguntzak bertan eta eskabideak ebazteko foru-aginduen ezarritakoaren arabera arautuko dira.

Osagarri gisa, honako arau hauek ezartzen dutena aplikatuko da: 5/2005 Foru Araua, maiatzaren 31koa, dirulaguntzen araubide juridiko orokorra arautzen duena; Bizkaiko Foru Aldundiaren 16/2018 Foru Dekretua, otsailaren 27koa, Bizkaiko Foru Aldundiaren martxoaren 23ko 34/2010 Foru Dekretuaren bidez onetsi zen Foru Aldundiak emandako dirulaguntzen araubide orokorra onesten duen dirulaguntzei buruzko Araudia aldatzen duena eta Bizkaiko Foru Aldundiaren dirulaguntzen prozeduretan gizarte, ingurumeneko eta beste politika publiko batzuei buruzko baldintzak sartzeko gida onesten duena; Bizkaiko Foru Aldundiaren 169/2014 Foru Dekretua, abenduaren 16koa, Bizkaiko Lurralde Historikoko Aurrekontuei buruzko Araudi Orokorra onesten duena; Ogasun eta Finantzen foru diputatuaren 1305/2015 Foru Agindua, ekainaren 18koa, dirulaguntzen arloko gaitu fiskalizatzeko prozedura onesten duena; 38/2003 Lege Orokorra, azaroaren 17koa, Dirulaguntzei buruzkoa eta hura garatzeko arautegia; bai eta 39/2015 Legea, urriaren 1ekoa, Administrazio Publikoen Administrazio Prozedura Erkidearena, Sektore Publikoaren Araubide Juridikoaren urriaren 1eko 40/2015 Legea, 4/2010 Errege Dekretua, urtarrilaren 8koa, Administrazio Elektronikoaren esparruan Elkarreragingarritasunaren Eskema Nazionala arautzen duena; 3/2010 Errege Dekretua, urtarrilaren 8koa, Administrazio Elektronikoaren esparruan Segurtasuneko Eskema Nazionala arautzen duena eta beste edozein arau xedapen, duen izaeragatik ezartzeko modukoa baldin bada.

Halaber, Datu Pertsonalak Babesteari eta eskubide digitalak bermatzeari buruzko abenduaren 5eko 3/2018 Lege Organikoa ere aplikatuko da, bai subsidiarioki edo ordezkio gisa aplikatzekoa den gainerako araudia ere.

II. KAPITULUA

XEDAPEN OROKORRAK

6. oinarria. — Emateko prozedura

Bekak beketako bakoitzerako norgehiagoka araubidean emango dira. Horretarako, Ingurune Naturala eta Nekazaritza Sustatzeko foru diputatuak, foru agindu bidez, eta Balorazio Batzordeek proposatuta, deialdia ebatziko du; beka puntuazioaren arabera adjudikatu ditu eta beka bakoitzerako bekadunen poltsa bat eratuko du.

Ebazpena arrazoitua izango da eta laguntza ematen zaien onuradunen zerrenda eta, hala badagokio, gainerako eskaeren berariazko ukoa jasoko dira. Horrez gainera, ebazpenean, zerrenda batean ordenatuta agertu ahal izango dira oinarri arautzaileetan onuraduna izateko zehazten diren baldintza administratibo eta tekniko guztiak bete arren deialdian ezarritako kredituaren gehieneko zenbatekoa gainditu delako onartu ez diren eskaera guztiak, eta deialdian ezarritako balorazio-irizpideen arabera bakoitzari eman zaion puntuazioa adieraziko da. Laguntza emateko ebazpenak kasu bakoitzerako baldintza bereziak ere jaso ahal izango ditu, eta baldintza horiek nahitaez bete beharko dituzte onuradunek.

Onuradun gertatu den pertsona batek becarri uko egiten badio, beka ematen duen organoak erabaki dezake, beste deialdirik egin gabe, beka ematea zerrendan hurrengo dauden erakunde edo pertsona eskatzaileei —lortutako puntuen hurrenkeraren arabera—, betiere behar besteko kreditua geratu bada libre eskabide horiei erantzun ahal izateko, kasuan kasuko ekitaldiaren aurrekontu-izendapenen arabera.

Herri Administrazioen Administrazio Prozedura Erkidearen urriaren 1eko 39/2015 Legearen 21.2. artikuluan ezarritako ondorioetarako, prozeduraren ebazpena eman eta jakinarazteko gehieneko epea hilabetekoa izango da. Epe hori igarota, ez bada bera-



riazko ebazpenik eman eta jakinarazi, administrazio-isiltasuna ezestekoa dela ulertuko da, aipatutako urriaren 1eko 39/2015 Legearen 21.4 artikuluan xedatutakoaren arabera.

Ebazpena Bizkaiko Aldizkari Ofizialean argitaratuko da, jakinarazteko, Administrazio Publikoen Administrazio Prozedura Erkidearen urriaren 1eko 39/2015 Legearen 45.1.b) artikuluan xedatutakoaren arabera.

Halaber, bekak ebazten dituen foru agindua interesdunari berari jakinaraziko zaio.

Eskatutako dirulaguntza eman edo ukatzeko ebazpenak administrazio-bidea amaitu du. Haren kontra, Administrazioarekiko Auzien Jurisdikzioa arautzen duen uztailaren 13ko 29/1998 Legean ezarritakoaren arabera, erakunde interesdunek administrazioarekiko auzi-errekurtsoa jarri ahal izango dute dagokion administrazioarekiko auzien salan; horretarako, bi hilabeteko epea dago, ebazpena jakinarazten den egunaren biharamunetik hasita. Bestela, aukerako berraztertze-errekurtsoa jarri ahal izango dute ebazpena eman duen organo beraren aurrean, hilabeteko epean, ebazpena jakinarazi eta biharamunetik aurrera.

7. oinarria. — *Emateko irizpideak*

Bekak eskabidean egiaztatutako merezimenduetan oinarrituta adjudikatuko dira. Batzordeak merezimendu hauek baloratuko ditu: espediente akademikoa, curriculum (bekaren gaiei buruzko lanak, prestakuntza eta esperientzia, ikerketa-lanak, nekazaritza eta elikagaigintza edo lehen sektoreko laborategietako egonaldiak, laborategietako analisetako esperientzia, eta abar), hizkuntzak, eta, hala badagokio, elkarrizketa pertsonala.

Balorazio Batzordeak ez ditu kontuan hartuko eskabidearekin batera aurkeztu ez diren eta frogatu ez diren merezimenduak.

8. oinarria. — *Balorazio-batzordea*

Eskabideak balorazio-batzorde bik ebaluatuko dituzte. Lehenengo balorazio-batzordeak Nekazaritza Zerbitzuak emandako bekak ebaluatuko ditu, eta bigarren balorazio-batzordeak Abeltzaintza Zerbitzuak emandakoa ebaluatuko du. Batzorde biek instrukzio-organoaren eginkizunak izango dituzte, eta batzorde bakoitza batzordeburu batek, bi kidek eta idazkari batek osatuko dute (denak funtzionarioak izan behar dira). Balorazio-batzordeek aholkulari gisa deitu ahal izango diete egokitzat jotzen dituzten teknikoei.

8.1. *Nekazaritza Zerbitzuko balorazio-batzordea*

- a) Batzordeko burua: Nekazaritza Zerbitzuko burua.
Ordezkoa: Nekazaritzaren Hobekuntza eta Landare Babesa Bultzatzeko Ataleko burua.
- b) 1. kidea: Landare Ekoizpenaren Ataleko burua.
Ordezkoa: Nekazaritza Zerbitzuko Nekazaritzako Ingeniaria edo Nekazaritzako Ingeniari Teknikoa, Nekazaritza Zerbitzuko Burutzak izendatua.
- c) 2. kidea: Nekazaritzaren Hobekuntza eta Landare Babesa Bultzatzeko Ataleko burua.
Ordezkoa: Nekazaritza Zerbitzuko Ingeniari Agronomoa edo Nekazaritzako Ingeniari Teknikoa, Nekazaritza Zerbitzuko Burutzak izendatua.
- d) Idazkaria, hitz egiteko eta bozkatzeko eskubidea duena: Nekazaritzako Ingeniari Teknikoa, Nekazaritza Zerbitzuko Burutzak izendatua.
Ordezkoa: Nekazaritzako Ingeniari Teknikoa, Nekazaritza Zerbitzuko Burutzak izendatua.

8.2. *Abeltzaintza Zerbitzuko balorazio-batzordea*

- a) Batzordeko burua: Abeltzaintza Zerbitzuko burua.
Ordezkoa: Abeltzaintza Zerbitzuak izendatuko duen atalburua.



- b) 1. kidea: Abeltzaintza Zerbitzuko albataria, Abeltzaintza Zerbitzuak izendatuko duena.
- c) 2. kidea: Abeltzaintza Zerbitzuko Abereen Osasuneko laborategiko laguntzaile teknikoa, Abeltzaintza Zerbitzuak izendatuko duena.
- d) Idazkaria, hitz egiteko eta bozkatzeko eskubidea duena: Abeltzaintza Zerbitzuko albataria, Abeltzaintza Zerbitzuak izendatuko duena.

Erabakiak botoen gehiengoz hartuko dira; idazkariak aktan jasoko ditu erabaki horiek. Batzordeburuak kalitatezko botoa izango du, berdinketa gertatuz gero. Aholkulari gisa joaten diren teknikariek hitza izango dute, baina botorik ez.

Batzordeek eskabideak berezita ebaluatuko ditu, alde batetik, landare-osasuneko bekaren eskaerak, eta, bestetik, abere-osasuneko bekarenak.

Batzordeek eskaeren ebaluazioa egin ondoren, emaitza jasotzen duen txosten egingo dute, eta txostena eta ebazpen-proposamena aurkeztuko dizkiote organo ebazleari.

Batzorde horiek bekak emateko proposamena egingo dute eta, aurkeztutako eska-bideak ikusita, proposamena egin dezakete deialdia osorik edo haren zati bat hutsik geratzeko.

Kasu horretan, eragindako zerbitzu sustatzaileak beste deialdi bat proposatu ahal izango du, eta, foru dekretu honen bidez, Ingurune Naturala eta Nekazaritza Sustatzeko diputatuak ahalmena izango du dagokion foru aginduaren bidez deialdi hori egiteko, foru dekretu honetan ezarritako aurrekontu kredituen kargura.

9 oinarria.— Beka emateko irizpideen balorazioa

Bekak emateko orduan, merezimenduen balorazioan eta elkarrizketa pertsonal bat egitean oinarritutako prozedura jarraituko da.

- 1. Egiaztatutako merezimenduak honako puntuazio honen arabera baloratuko dira:
 - a) Espediente akademikoa: 10 puntu, gehienez.
 - b) Curriculum vitae-a: 5 puntu, gehienez.
 - c) Euskaraz: 4 puntu III. hizkuntz eskakizuna edo baliokidea izateagatik, 3 puntu II. hizkuntz eskakizuna edo baliokidea izateagatik, 2 puntu I. hizkuntz eskakizuna edo baliokidea izateagatik, eta puntu 1 euskararen ezagutza egiaztatzen duen ziurtagiriren bat izateagatik.
 - d) Europar Batasuneko hizkuntzak: 2 puntu Hizkuntz Eskola Ofizialeko ingeleseko B-2 titulua edo baliokidea izateagatik, eta puntu 1 ingeleseko B-1 maila egiaztatzeagatik.
 - e) Puntu 1 Europar Batasuneko beste hizkuntza bati dagokion Hizkuntz Eskola Ofizialeko B-1 titulua edo baliokidea izateagatik.

2. Landare-osasuneko bekan zein abere-osasuneko beketan puntuaziorik altuena lortu duten lehen sei pertsoneri egingo zaie elkarrizketa pertsonala. Elkarrizketa horretan, 6 puntu lor daitezke gehienez.

Artikulu honetan ezarritakoaren arabera lortutako puntu guztien baturak zehaztuko du zein izango den azken puntuazioa.

Beka bakoitzean puntu gehien lortu dituen pertsona bekaren onuraduna izateko proposatuko da.

Halere, beka baten onuraduna gertatu den inork hura jasotzekoari uko egiten badio, bigarren puntuaziorik handiena lortu duenari adjudikatuko zaio beka hori, eta merezimenduen arabera hirugarren lekuan geratu zena ordezkoa izango da, eta horrela hurrenez hurren bekadunen poltsaren arabera.

10. oinarria.— Beken iraupena

Abere-osasuneko prestakuntzako beka 2025eko irailaren 1ean hasi eta 2026ko abuztuaren 31n amaituko da.



Mahastizaintza, landare ekoizpena eta enologiako prestakuntzako beka eta landare-osasuneko prestakuntzako beka 2025eko maiatzaren 2an hasiko dira, eta 2026ko apirilaren 30ean amaituko dira.

Bekak horiek prestakuntza eta espezializaziokoak dira; beraz, bekaren bat jasotzeak ez du inolako lan edo administrazio harremanik sortuko bekadunen eta Ingurune naturala eta nekazaritza Sustatzeko Saila. Horrez gain, ez du eragingo bekadunak administrazioan sartzeko inolako konpromisorik. Bekadunari ordaindutako kopuruak, orobat, ez dira joko soldata edo ordainsarizat, prestakuntzarako dirulaguntzatzat baino.

11. oinarria. — Zuzkidura ekonomikoa eta ordainketa

Nekazaritza Zerbitzuak eta Abeltzaintza Zerbitzuak eskainitako prestakuntza-bekak 32.400,00 eurokoak izango dira, guztira, hau da, hilean 900,00 euro beka bakoitzeko. Ordainketa hilean behin egingo da.

12. oinarria. — Foru Aldundiaren betebeharrak

Bizkaiko Foru Aldundiak, beka hasi aurretik, bekadunaren arrisku guztiak estaliko dituen arrisku-poliza sinatuko du.

Bizkaiko Foru Aldundiak alta emango die hautatutako bekadunei Gizarte Segurantzari, arlo horretako arautegiak agintzen duenaren arabera.

Bekadunen tutoreak izango dira Nekazaritza Zerbitzuko Nekazaritzaren Hobekuntza eta Landare Babesa Bultzatzeko Ataleko burua eta Abeltzaintza Zerbitzuko Abere Osasun Ataleko burua. Hauek izango dira tutoreen eginkizunak:

1. Bekadunaren zalantzak argitzea.
2. Zuzeneko nagusiak agindutako lanetan lagundu eta berrikustea.
3. Zerbitzuaren kudeaketa-sistema eta haren menpeko prozedurak azaltzea.
4. Aplikazio informatikoak ondo erabiltzen laguntzea.

13. oinarria. — Onuradunaren betebeharrak

1. Bekadunek berez dagokien lantokian bertan eta ezarritako ordutegiaren barruan egin beharreko lan-programaren eskakizunak betetzeko, eta, bekaren tutoreek ontzat emanda, Ingurune Naturala eta Nekazaritza Sustatzeko Sailak deitu edo garatzen dituen prestakuntza-jardueretara joateko konpromisoa hartzen dute.

2. Horrez gainera, egindako esperimendazio-lana jendarteratzeko argitalpena beka amaitu baino lehen egiteko konpromisoa hartzen dute. Argitalpen horri dagozkion ustiapen-eskubideak Bizkaiko Foru Aldundiko Ingurune naturala eta Nekazaritza Sustatzeko Sailari baino ez dizkio lagako, oso-osorik eta doan.

3. Egindako jardueri buruzko bi txosten aurkeztea. Lehenengoa esleitutako bekaren aldiaren erdira iristean aurkeztuko da, eta bigarrena aldi horren amaieran.

4. Beken onuradunek ezin izango dute lan ordaindurik egin eta ezin izango dute antzeko laguntza ekonomikorik edo beka ordaindurik jaso beste erakunde publiko edo pribatu batetik.

14. oinarria. — Ez betetzea eta uko egitea

Bekadunak deialdi honetan jasotako betebeharrak eta beka emateko ebazpenean ezar daitezken baldintzak ez baditu betetzen, baita Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauaren 33. artikuluan ezarritako baldintzak ez baditu betetzen ere, beka galduko du eta bete gabe utzitakoaren larritasunaren eta interes publikoan eragindako kalteen arabera, jasotako diru-kopuruak, osorik edo horien zati bat, itzuli egin beharko ditu, sortutako legezko interesekin batera. Horrez gainera, halakoetan bidezkoak izan daitezkeen bestelako ekintza guztiak abiarazi ahal izango dira.

Gai horren inguruko ebazpena Ingurune Naturala eta Nekazaritza Sustatzeko Sailak emango du, aurretik ez-betetzearen ondoriozko espediente ireki eta gero. Espediente



horretan, gehienez hamabost egun balioduneko entzunaldiaren izapidea eskainiko zaio interesdunari. Itzuli beharreko diru-kopuruak zuzenbide publikoko sarreratzat joko dira.

Bekari uko egiten bazaio edo deuseztatu egiten bada, sortutako bekadunen poltsako ordezkioak bekadun izatera pasa daitezke, eta bekari geratzen zaizkion hilabeteetan aurrez ikusitako jarduerak bete ahal izango dituzte, betiere Ingurune Naturala eta Nekazaritza Sustatzeko Sailak hala eskatzen badu.

15. oinarria. — *Bateragarritasuna*

Beka hauek ezin izango dira bateragarriak izan beste edozein erakunde publikok edo pribatuk antzeko xederako eman ahal dituen beste edozein laguntzarekin.

III. KAPITULUA

DEIALDIA

16. oinarria. — *Aurkezteko epea eta lekua*

1. Eskabideak aurkezteko epea Foru Dekretu hau Bizkaiko Aldizkari Ofizialean argitaratu eta biharamunetik hamar egun balioduneko epean aurkeztu ahal izango dira. Eskabideak aurkezteko epea 13:30ean amaituko da, eskabideak elektronikoki aurkezteko azken egunean.

2. Eskabidea Bizkaiko Foru Aldundiaren egoitza elektronikoa aurkeztuko da, egoitza elektronikoko horretan agertzen den prozeduraren bidez:

— www.ebizkaia.eus/izapideen-eta-zerbitzuen-katalogoa

17. oinarria. — *Aurkeztu beharreko agiriak*

Eskabideak Bizkaiko Foru Aldundiaren egoitza elektronikoa horretarako ezarritako inprimaketan aurkeztuko dira, honako agiri hauekin batera:

- Curriculum vitae, honako hauek ordenatuta eta zehaztuta jasotzen dituen: beken ezagutza-arloko lanak eta esperientzia, bekari buruzko gaitan jasotako prestakuntza eta bestelako prestakuntza osagarriak, joandako ikastaro eta biltzarrak, ikerketa-zentroetako egonaldia eta abar. Curriculumean agertzen diren datu guztiak agiri bidez egiaztatu beharko dira.
- Lortutako emaitzak eta noiz lortu diren zehatz-mehatz agerrazten dituzten ikasketa-ziurtagiriak (jatorrizko agiriak edo behar bezala egiaztatutako kopiak).
- Euskararen ezagutza egiaztatzen duen ziurtagiria.
- Ingelesa edo erkidegoko beste hizkuntza batzuen ezagutza egiaztatzen duen ziurtagiria.
- Langabezia-egoera egiaztatzen duen ziurtagiria, edo, hala badagokio, une horretan egiten ari den jarduerari buruzko aitortpena, bai eta, hautatua izanez gero, horri uko egiteko prestasuna ere.
- Esleipendunek, hala jakinarazi ondoren, hartzekodun-fitxa aurkeztu beharko dute banku-helbideratzerako.

Eskabideak antolatze organo eskuduna Nekazaritza Zerbitzua eta Abeltzaintza Zerbitzua izango dira, eta zerbitzu horiek 8. oinarrian zehaztutako batzordeari helaraziko dizkio, balora ditzan.

Aurreko ataletan xedatutakoa ez betetzeak aukera-prozesutik kanpo gelditzea ekar dezake.

18. oinarria. — *Eskabidea zuzentzea edo hobetzea*

Aurkeztutako eskabidean akatsen bat edo zehaztasun-faltaren bat dagoela ikusten bada, edo ezarritako baldintza guztiak betetzen ez badira, interesdunari eskatuko zaio hamar eguneko epean akatsa zuzentzeko edo nahitaezko agiriak aurkezteko, eta adieraziko zaio, hala egin ezean, atzera egin duela ulertuko dela, Administrazio Publikoen



urriaren 1eko 39/2015 Legearen 68. artikuluan aurreikusitako moduan emandako ebazpenaren ondoren.

Nolanahi ere, aurkeztutako eskabidea behar bezala ulertu, ebaluatu eta izapidetzeko beharrezkotzat jotzen den dokumentazio eta/edo informazio guztia eskatu ahal izango zaio eskatzaileari. Arau honetan aurreikusten ez den guztian, Herri Administrazioen Araubide Juridikoaren eta Administrazio Prozedura Erkidearen Legean aurreikusitakoa aplikatuko da.

19. oinarria. – Aurrekontuko diru-izendapena

Foru dekretu honen arabera eman daitezkeen dirulaguntzen zenbateko osoak ezin izango du gainditu aurrekontuko izendapen hauetan ezarritako zenbatekoa:

Kudeaketa zentroa Centro gestor	Programa Programa	Sailkapen ekonomikoa Clasificación económica	Ekitaldia Ejercicio	Gastu proiektua Proyecto de gasto	Zenbatekoa Importe (€)
0205	412103	46200	2025	2019/0026	14.400
0205	412103	46200	2026	2019/0026	7.200
0203	412102	46200	2025	2007/0648	3.600
0203	412102	46200	2026	2007/0648	7.200

Indarrean dagoen legedian xedatutakoaren arabera, deialdi honetan aplikatzeko zenbateko gehigarriak izango dira martxoaren 23ko 34/2010 Foru Dekretuaren bidez onartutako Dirulaguntzen Erregelamenduaren 43. artikulua aplikatuz erabilgarri dauden kredituak, gehienez 2.000.000 euroko zenbatekora arte. Foru-agindu bidez, ondoriozko kreditu erabilgarriak eta haien behin betiko banaketaren deklarazioa argitaratuko da, dirulaguntzak emateko ebazpena eman baino lehen. Horrek ez du esan nahi berriak aurkezteko epea ireki behar denik.